



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXXXVI.

urn:nbn:de:hbz:466:1-42840

*Tentatos
illi cōmen-
dare .*

832 Eidem pro sanctimoniali quadam, cuius constantiæ metuebat, impensè supplici, Beatissima Virgo illam pro qua orabat sub augusto suo paludamento ostendit, & dixit, vt eiusdem vitæ autor est testis: *Ego semper curam eius geram*. At Pater simplici fiducia, *Vide*, aiebat, *Dominæ, ne retroeat*. *Non retroibit*, adiecit Virgo; & præstitit.

*Illam pro
alijs orare*

833 Quidam qui de Societate deserenda cogitabat, & tamen alia omnia fingebat, P. Manconium adierat: & Manconius coniectis in B. Virginis imaginem oculis, certis indicijs certior factus est, ne ficto illi fidem adhiberet. Ita ille breui è Societate erupit. Eidem pro anima quadam, cuius curam gerebat, impensius Deiparam precanti, Beatissima Virgo apparuisse fertur ibidem, & paruulum IESVM ei pro qua orabat porrexisset ad amplexus. Rerum successum vel è solo Deiparæ visæ aspectu introspicere videbatur, si quid ex illa scire optaret. Hinc prædicebat ea quæ euentus postea confirmabat. *Dominus dabit verbum euangelizantibus, per preces* MARIÆ, inquit S. Io. Chryf. Ita memoriã pro Ecclesiastæ munere idoneã a liquando petenti eidem respondisse fertur Virgo: *Nunquam tibi defui: neque deero*. *Nec defuit*. Nullus vnquam qui ad te *accurrit*, & te *confusus discedit*: *tali donatur beneficio quod eum desiderij sui compotem reddat*.

m. f. frag.

23.

*Memoriã
ab illa pe-
tere .*

Piet. Mar

Grac. p. 1.

21. Ian.

*Carmina
de illa da-
re discipu-
lis compo-
nenda .*

ANNO MDCXXXVI.

834 Tyrnauia cum suos ad sacra Poësis rudimenta piè accingeret hoc anno è Magistris quadam, vt suam ac suorum Poësim Deiparæ dedicaret, pro fractorum, vt vocant, carminum ad leges Poëticas redintegrandorum materia, carmina aliquot illis præscripsit, ferè ad Bauhusiani illius imitatio-

rationem; Tot tibi sunt dotes, Virgo, quot sidera celo.
exempli causâ:

Tu mihi da venam, Virgo, dum carmina scribo.

Tot tibi do grates, Virgo, quot carmina pango.

Me tibi do spes, dux, lex, fors, vox, laus mea felix:

Tu mihi sis mens, flos, lux, arx, ars, sol, mare, Virgo.

Vel iambo sic Petruccianum ad modum, de quo
infra anno 1658.

Nouum tibi, Dei parens, metrum cano.

Metro, prosa tibi sacrum stylum dico.

Tibi studet tuus cliens; sacrans, vouens

Caput, scholas, libros, schedas, manus suas.

Vocat, rogat piam Ducem, sacram facem.

Tibi ligat metri pedes modis nouis.

Throno tuo meus labor sacer manet

Tuus fauor, spei meæ recens vigor.

Sagax erit tui memor stylus meus.

At dabit his nobiliora infra Petruccius: hæc rudi-
menta sunt piæ Poësis. S. Ioannes Damascenus:

*Moueantur omnes linguæ, atque mentes humanæ ad eius
laudem quæ est verum mortalium decus. Eandem S. Bo-
nauentura Mammillam paruulorum vocat.*

fol. 109.
in Canti-
cis.
In Lita-
nijs ad
B.V.

835 Academia Tyrnauiensis Pazmaniana hoc
anno erecta à Petro Cardinale Pazmany è Soc.
IESV, Archiep. Strigoniensi, pro sigillo suo elegit, &
sculpsit B. Virginem coronâ Apostolica Vngariæ
Regni, seu S. Stephani, coronatam, diuinum paruu-
lum sinu complexam, in cuius manu liber laurea-
tus & IESV nomine insignitus, pronis ad pedes Dei-
paræ insignibus Regni, & Pazmanni Fundatoris.

Autor P.
Stephanus
Keresztes

Testataria epigraphæ sic habet: *Patrona. Hungariæ. Vide No-
menclato-
rem Rai-
nandi pag.
105.*

Vide No-
menclato-
rem Rai-
nandi pag.
105.

istic Baccalaureis dedicato . *sigillum utriusque testamenti* vocatur hæc Virgo à S. Germano .

ob. 1636.
Labores.

836 Landspergæ Magnus Angerer Coad. labores suos ita condiebat Marianâ pietate, vt cum pistoris alionè labore distentas manus non posset occupare Rosario, illo mordicus prehensò, globulos dentibus percitè versaret, Virginem salutans, & labores suos DEO offerens per Dominæ suæ manus. S. Bonaventura : *Benedicta sis, corona Dominarum omnium.*

In cantico
Benedicite

Liberalem
esse erga
B.V.

837 Liberalitatem erga B. Virginem suadet P. Maximilianus Sandeus in *Maria sole mystico* hoc anno edito pag. 496. aitque nihil perire eorum, quæ offeruntur in honorem huius thesaurariæ gratiarum. Refert ibi è Petro Cluniacensi rem quæ per centum annos durârit : nempe Romæ ad *S. Mariæ Maioris* incendi solitos cereos ad festum Assumptionis B.V. per totas 24. horas arsisse, nec vnquam fuisse diminutos, etiam ad bilancem exploratos. Certè, si vsquam, hic honor est in honorante, MARIAM, & donum in donante. Eodem hoc anno P. Iacobus Canisius Monachij luci dedit *Hyperdulam Marianam à Ioanne Berchmanno exercitantem* : P. icem Ioannes Vincartius *B. Virginem Cancellatam* Infulis cultam ac miraculis celebrem. *Virgo adest,* inquit S. Ioannes Damascenus, *quæ perspicue glorificat eos qui piè laudant eius miracula.* P. verò Hieronimus Drexelius Petro Cardinali nostro Pazmanno dedicavit hoc anno *Rosas Selectissimarum virtutum* quas DEI Mater orbi exhibet. P. autem Laurentius Chiffletius prælo dedit Parisijs *Coronam Rosarum Reginae cali,* seu modum facilem attentè recitandi coronam B. V. P. Leonardus Bachin Græcij Sodalitij maioris Præses vulgavit ibidem *coronam anni Marigui vitas 12. Sodalium continentem* : quem qui imi-

Inter cã-
tica.

fol. 109.

imitaretur in vitis Sodalium contexendis, pretium ferret bonâ operâ non indignum, Sodalibus utile, Deo autem ac Dei Matri gratum. Lincij quoque hoc anno in lucem exijt P. Petri Stergleri Carnioli *Asma Poëticum Litaniarum Lauretanarum*: in quo singula Dei Matris elogia suo singulari vt emblemate ita carmine illustrantur. Denique Leodij P. Philip-
pus Bouchi edidit Gallicè *Lachrymas Parthenophili arefactas, siue Consolationem animarum B. Virgini deuotarum*. Gaude, inquit Hermannus Ioseph ad B. Virginem, *Gaude cuius ex feruore, Cor ebullit in amore, Quod à motu vix quiescit; Ingemiscit, si frigit. Quem tangit a det dulciter*. Hæc, atque hisce similia, vel è veteribus excerpta, vel è recentiore MARIANORUM nostrorum Asmatographorum venâ eruta, vel etiam extemporali æstuantis ingenij calore fusa vsui esse nōnunquam possunt vibrandis iaculatorijs, quas vocant, precibus; vt Poësis sit cos pietatis: vt si dicas:

Admiror, veneror Te, Maxima, & optima Matrum:

O Virgo Mater, de qua Verbum caro factum est!

838 Tyrnauiz hoc anno nascens Immaculatæ Conceptionis B. V. Sodalitas, non sine Sodalitij maioris exemplo, die vacatiunculæ hebdomadariæ in vere, ac æstate ad Spacense B. V. templum, vel aliò vnâ ibat agmine MARIANO; diuino sacrificio istic celebrato, ac varijs per iter officijs pietatis iucundè perfuncta. Audiebat Præsidem suum aliquid de B. V. cultu narrantem. corona B. V. *Salue mundi Domina, &c. Omni die dic MARIÆ, &c. Aue Maris stella, &c.* & alia magno ardore cantabantur. Similis argumenti est Iubilus S. Bernardi sæpè ibi cantatus; & alius ad eius numeros compositus de B. Virgine; cuius hîc appono particulam:

MA-

*In hymno
Gaude
plaudet.*

*Vide Caroli
F. de Luca
Poëta
Laureta-
num.*

*Dies vaca-
tionum, B.
Virgini
dare.*

*Canere in
honorem
B.V.*

MARIA, flos dulcedinis,
Materque Pulchritudinis;
Dulcedo semper pulchrior,
Et pulchritudo dulcior.

Quò te magis considero,
Tanto magis desidero
Vt imprimam memoriæ
Tua triumphos gloriæ.

MARIA, tu pugnantium,
MARIA, tu vincentium
Ad gloriam victoria,
Victoriamque gloria. &c.

Resol. l. 4. c. 32. Beatissima Virgo S. Brigittæ de quodam qui in DEI laudem cantu laudabat B. Virginem; Dic illi, inquit: Deo placet coronas in celo dare ei pro qualibet syllaba qua est in cantu; & dicetur de eo: Ecce venit laudator.

Lycæus trisagij pag. 273. & 128. 839 Antonius Bernalius Coad. in Paraquaria, MARIÆ nomine inscriptum numisma portabat è collo ad pectus. Barbaris in Christianos irruentibus, eorum vnus, exploso in Antonium globo plumbeo ipsum Deiparæ numisma tetigit. Quo impetu, fertur numisma pectori suam impressisse imaginem, & reliquisse; neque nisi duas sanguinis guttas inde elicuisse. Sunt qui Deiparæ nomen secum gestent; quemadmodum in manu militis moris fuit olim nomen scribere Imperatoris. Inuocante nomine Matris, ait S. Anselmus: & si merita, inuocantis non merentur vt exaudiantur, merita tamen Matris intercedunt, vt exaudiantur.

Herods pag. 386. 840 P. Ioannes Abriotus in obsequio peste infectorum, apud Alegambe, hoc anno mortem obiit inter Crucifixi, Deiparæ, ac Sponsi eius imagines, vno eas amplexu stringens, & osculis ad mortem vsque

vsque salutans. P. *Franciscus Monrealius* ibidem B.V. imaginem inter moriendum sibi ob oculos poni voluit. Vesperis cum lectum peteret, collo iniiciebat eius Rosarium, noctu illud euoluens cum dormire non posset. Ibidem Mag. *Franciscum Reginadum* olim conclamatam, Deipara insigni miraculo salutis restituerat. Vnde altissime biberat eius amorem. *Agnosceamus*, inquit S. *Sophronius*, *agnosceamus te, Domina, pro fonte vitæ æternæ. Meam proinde animam de abundantia tua ad eam diuitem redde, ut salutaribus fluentis manare non desinat.*

841 P. *Antonium Greuens* ante initam Societatem, Beatissima Virgo noctu per quietem inuisens, eidemque se spectandam præbens in lumine glorioso, eum voto castitatis nuncupato sibi totum, deuotum, incredibili cælestium lætitiarum copiâ cum mulanit, vt de illo refert fide digna epistola. Et Antonius, vt ei seruiret augustius, se in Societatem IESV dedit. Secutior erit nostra puritas sub eius præsidio quæ, S. *Ioanne Damasceno* ita scribente, *cælestibus cogitationibus educata verè viuum cælum dicitur, & cælis quoque incomparabili præcellentia modo superior.*

842 P. *Guilielmus Metternich* eâ industriâ se apprimè proficere fatebatur, quâ, in exercitijs, clauis cubiculi fenestris, ligabat sibi pedes, & manus velut vinctas componebat: atque sic humi abiectus volutabatur, tanquam Reginae cæli captiuus, ligatis manibus & pedibus proiectus in tenebras, vt perduellis DEO & DEI Matri, ac reus læsæ vtriusque maiestatis; eaque supplicis rei humilitate per Dei Matrem veniam flagitans apud DEVM; cuius gratiæ per illam obtinendæ spe coronam semper è collo pendentem gestabat vsque ad mortem. S. *Ioannes*

Imago B. V. cum S. Iosephi imagine. Vesperis.

18. Febr.

ob. 1636.
Neomagi
1. Maij.

Castitas.

orat. 2. de
Assumpt.
B.V.

ob. 1636.
30 Mart.
Coloniæ.

*In exercitijs.
Humilitas*

Corona
collo.

Da-

m. s. fer 5. ude 4. Damascenus : spes, & firmamentum, & exultatio anime
ob. 1636. Cracouie. meæ, & illuminatio eius es, ò Domina, tota immaculata.

Offic. B.V. 843 *Laurentius Gorcyn* Coad. cum inter sacram
 synaxin animum attentè colligeret, moneri se intus
 adeoque vrgeri persensit, vt Beatissimæ Virginis of-
 ficiu[m] quotidie recitaret ; certior factus annum sibi
 non nisi vnicum superesse in vita, vt est in eius elo-
 gio. Exeunte illo anno & vita, in morte à Beatissi-
 ma Virgine contra dæmonem defensus est, & pro
 gratiaru[m] actione Litanias vnà cum socijs recitauit.

Mors.

ANNO MDCXXXVII.

ob. Neap. 1637. Fiducia. 844 *P. Franciscus Pauonus* (qui plures de B. V.
 meditationes conscripsit, & vulgauit) cum ad So-
 dales B.V. diceret, visus est vultu splendido, & ra-
 dijs glorioso. Cuidam contra illum iniqua scriptu-
 ro Beatissima Virgo in mandatis dedit, vt abstine-
 ret, quemadmodum ipse id factus est qui id facere
 parabat.

ob. 1637. Eleemosy- nis illam colere. 845 *P. Vincentius Raymundus Catanensis*, ante
 nomen Societati datum, in honorem B. V. stellis
 duodecim coronatæ, tertiâ cuiuslibet hebdomadæ
 feriâ, duodecim pauperibus liberalem stipem da-
 bat ; in Societate quoque postea eidem studiosè ad-
 dictus. Nempe virtutibus vult coli illa, in qua, vt
In Ass. B.V. B. Petrus Damiani, *virtutum conuentus reuerendum*
sibi thalamum consecrauit.

ob. 1637. Montibus 846 *Ioannes de Geneffe* Deiparæ imagines palam
 expositas floribus quâ poterat, adornabat, & vnâ
 assiduè gestabat è collo appensam ; ne illam à cor-
 de dimitteret. Eam pietatem utilem sentiebat ad
 omnia Coadiutorum munia egregiè obeunda.
Imagines B.V. è col- lo. Deiparæ imaginem *Bosius vnguentis pretiosis fluentem*
De signis Eccl. 1. pag. 367. refert. In horum vnguentorum odorem currendum
 nobis est cum Ioanne.

Hoc